

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَوَّلُ رِسَالَةٍ تَكُونُ لَوَكِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



PENTINGNYA UCAPAN IN SYA ALLAH


Muhammad Fahmi Md Ramzan, Nurfarhana Mohd Daud, Aemy Aziz

Sebahagian manusia kadang kala merasa terlalu yakin akan sesuatu perkara sehinggakan terlupa bahawa tingkah lakunya juga tertakluk kepada perancangan dan keizinan dari Yang Maha Kuasa. Hal ini termasuk tidak menyandarkan ucapannya dengan kalimah in sya Allah iaitu kalimah yang mengaitkan atau mengembalikan sesuatu urusan kepada keizinan dariNya.

Secara asasnya, ucapan in sya Allah disandarkan untuk perbuatan yang akan dilakukan di masa yang akan datang. Perintah atau anjuran mengucapkan kalimah ini dapat dilihat melalui firman Allah, “Janganlah engkau mengatakan sesuatu untuk dikerjakan esok, melainkan dengan mengucapkan, in sya Allah. Dan ingatlah kepada Tuhanmu jika kamu lupa dan katakanlah, “Mudah-mudahan Tuhanku akan memberiku petunjuk yang lebih dekat kepada kebenaranNya daripada ini”.” (Surah al-Kahfi: 23-24)

Apabila ditelusuri *asbab an-nuzul* (sebab penurunan) ayat, ia turun sebagai peringatan kepada Nabi Muhammad SAW atas ucapan Baginda terhadap orang-orang Quraisy yang bertanya perihal roh, kisah Ashabul Kahfi dan kisah Zulkarnain. Rasulullah berkata kepada mereka, “Esok akan aku khabarkan kepada kamu atas pertanyaanmu itu.”

Menurut Tafsir Ibnu Kathir, Nabi SAW sama sekali tidak mengucapkan lafaz *istithna'* (pengecualian) dengan menyebut in sya Allah dan mengakibatkan wahyu tak kunjung turun sehingga 15 hari. Lalu, setelah Rasulullah ﷺ berada dalam keadaan sedih disebabkan tekanan dari orang Quraisy dan wahyu yang tak kunjung turun, akhirnya Allah menurunkan ayat mengingatkan supaya tidak menjanjikan sesuatu kepada orang lain kecuali dengan mengucapkan in sya Allah.



Apabila ditinjau dari sudut hukum, para ulama mengemukakan larangan (mengatakan sesuatu urusan di masa yang akan datang tanpa menyebut lafaz in sya Allah) kepada hukum makruh, tidak sampai haram. Maka secara *mafhum mukhalafah* (pemahaman sebaliknya), hukum mengucapkannya tidak sampai wajib. Sebagaimana dikemukakan oleh Ibnu Muflih rahimahullah di dalam kitab al-Adab asy-Syar'iyyah, "Memberikan tambahan kata in sya Allah dalam memberikan khabar terhadap sesuatu urusan, hukumnya mustahab (dianjurkan)." Imam an-Nawawi rahimahullah di dalam kitab Syarh an-Nawawi 'ala Muslim pula berkata, "Dianjurkan bagi seseorang ketika mengucapkan, "Saya akan lakukan itu dan ini", untuk menambahkan lafaz in sya Allah dalam rangka untuk "*tabarruk*" (ambil berkah) dan mentaati perintah Allah."

Walaupun ucapan ini bukan suatu yang wajib menurut para ulama, namun hakikatnya ia telah menjadi amalan dan kebiasaan oleh Rasulullah SAW dan para nabi terdahulu. Sebagai contoh, hadith berikut, "Dari Itban bin Malik radhiyallahu 'anhu, dia berkata, "Wahai Rasulullah, aku berharap anda dapat berkunjung ke rumahku, lalu anda mengerjakan solat di sana, kemudian akan aku jadikan tempat tersebut sebagai ruangan solat di rumahku. Kemudian Rasulullah bersabda, "Aku akan lakukan itu, in sya Allah." (HR. al-Bukhari, no. 425). Contoh ungkapan in sya Allah para nabi terdahulu pula dapat dilihat melalui ayat-ayat al-Quran. Sebagai contoh, ucapan Nabi Isma'il 'alaihissalam kepada ayahandanya Nabi Ibrahim 'alaihissalam sewaktu peristiwa penyembelihan, "Engkau akan dapati diriku, in sya Allah seorang yang sabar." (Surah as-Saffat: 102) Begitu juga sepertimana diucapkan oleh Nabi Yusuf 'alaihissalam di dalam surah Yusuf, ayat 99, Nabi Musa 'alaihissalam di dalam surah al-Kahfi, ayat 69 serta Nabi Syu'aib 'alaihissalam di dalam surah al-Qasas, ayat 27.

Hal ini mencerminkan adab tentang anjuran mengucapkan in sya Allah dalam sesuatu urusan dari generasi umat Islam terdahulu sehingga ke hari ini.

